


“Einst, als es noch...”  
“Una volta, quando ancora...”



LE MONTAGNE IN(ANTATE: LEGGENDE ED IMMAGINI  
**VERBAUTERTE BERBE: SAGEN UND BILDER**



# L cuer y l sas

Testo - Text **Iaco Rigo** - Marebbe/St. Vigil Enneberg (BZ)

Illustrazioni - Illustrationen **Maria Pezzedi** - San Cassiano/St. Kassian (BZ)

“Canche tu as perdù dut l or y dut l amor, pensaraste indò a me”, i ova dit la oma a sia fia.

La oma fova resteda soula. Les sajons passova dant si uedli via, sciche l variol da sas tl florì dla enrosadura. Bonamente fòvel dagnora l medem, sciche les sajons fova dagnora les medemes. Ence la dé y la nuet fova dagnora les medemes - i vegnivèl in ment, ai piesc dl gran sas, can soura i ciarùs dla pluevia che cheriova tres indò danuef formes y figures, can sot a les steiles che jiva, passova y vegniva indò, dut sciche n carillon rodé dal somech y da la speranza.

Chilò su ne ruvoa bele da agn plu degun pe y cuer uman, mo na vousc i vegnivèl in ment de audì te valch ona tumia che s'alzova da la val su. Ela ne i jiva nia do, a la vousc, ence sce ala sintiva de audì fora sia fia, tles legrezes y tles tristezes. L encherscedun despassòvela con l passé di dis de sia vita, ala l sfregolòva su sciche n pan, plan plan, y l mangiova su. Ala diventova freida sciche l sas.

Spo te chesta seira dl tert auton òvela si piesc pesoc sciche peres. Ala ne fova nia plu bona de i mueve. Ilò sintivela che la mont fova per s'la tò, che ela fova tl diventé crep.

Y l dé che demè plu l cuer fova uman, sintivela does mans che l'abbraciova. Les leghermes de sia muta tomova sciche pluevia glaciosa sun si grem. Demè plu l cuer tla oma sintiva l encherscedun y l amor per sia fia che la ova lasceda soula na vita. L sas ne zedova nia a la forza dl cuer - chest ess volù sprizé fora y vegnì indò persona y oma, mo s'enflova y spo tomova adum, sciche n ciampanil de lava.

